

Loq Raen Daxboh

□ Vangz Gijveiz / 黄启维

Gaenq haujlai nanz mbouj ma ranzcoj lo, ngoenzciet cingmingz song ngoenz gonq, Daegngeih daj dienhvah daeuj, cam gou naeuz ndaej mbouj ndaejhoengq dauqbae baez ndeu, aeu doxyaeng bineix ciet cingmingz baenzlawz sauqmoh.

Gou han naeuz, miz maz saeh couh youq ndaw veizsinginz gangj ba. Daengz haemh le, geij beixnuengx couh youq ndaw veizsinginz lumj haihoih nei, daujlun haenqrem. Daih-gya cungj nyinhnaeuz bineix sauqmoh dou aeu banh nauhyied cij ndaej, ndaw mbanj gij ranz wnq cungj gaenq bwh ndei lo, dou hix mbouj ndaej doeklaeng lairaeuh.

Daegbied dwg dwen daengz yaek sauq aen moh daxboh seiz, cungj roxnyinh naeuz yaek aeu banh ndaej engq nauhyied, guh ndei le hawj daxboh baujyouh dou ndaej bingz-bingz an' an, gwndaenj hoenghhwd-hwd. Daxboh dou ndaej 8 bi couh baenz lwggyax lo, youq ndaw mbanj gwn haeux vunzlai majhung. Mwhde dou geij beixnuengx lij iq, daxboh bingh naek, ndawranz gig gunghzhoj, mbouj miz cienz yw, doeklaeng couh liz dou bae lo. De daengx ciuh mbouj ndaej soeng saek ngoenz gvaq, daengz seizneix liz dou bae gaenq ndaej 20 geij bi lo, danghnaeuz bineix sauqmoh mbouj guh ndaej hoengh di, roxnyinh doiq mbouj gvaq de.

Ngoenz ciet cingmingz daengz lo, dou geij beixnuengx haetromh caeux-caeux couh nyaengqnyatnyat hwnj-daeuj, mbanj gaj mou gaj yiengz, mbanj gaj gaeq gaj bit, mbanj heh bya, gij noh bya noh gaeq, haeux-naengj haj saek, gak cungj gak yiengh byaek ndei cungj baij hwnjdaej lo.



Lau daxboh dou youq lajyaem gvaq ndaej mbouj ndei, bae gwnz haw cawx ndaej haujlai doenghgij aeu ceij guh, lumjbaenz gyaueh, cinwngz soujgih, buhvaq gyaunde i caeuq mbong gyahden, lienz gij ceijcienz gyauejmoh daxboh hix guh ndaej hoengzhoengz loegloeg. Lij cingj song goengdauh daeuj hawj daxboh guhmo, gij singbauq hongzhoho mbouj dingz, sing loxlez boqdapdap. Gyoengq vunz ndaw mbanj yawjraen le cungj naeuz: “Lwglan ranz neix seizneix miz ngaenz lo, nyienh hauqswnh bouxlaux lo.”

Daengz gyanghaemh baez gyroeb-suenq, ngoenzde cienzyungh sauqmoh sai bae 3 fanh lai maenz, gij hab gwn gwn mbouj liux, naeuz gueng mou, mbouj miz mou, gueng ma, mbouj miz ma, lw baenz rwd baenz langh, ienva bauqrengh cuengq bae le geij loz, hoeng daihgya cungj nyinhnaeuz daxboh ngoenzneix itdingh roxnyinh vuenyungz dangqmaz.

Nyaengqfoedfoed ngoenz ndeu,

haemhde daihgya cungj gig baeg, ninz ndaej ndaekndende.

Haemhde youq ndaw fangz-hwnzloq, daxboh naeuz gou: “Gij saeh sou ngoenzneix guh, gou cungj yawjraen lo. Hoeng, gou mbouj ngah gwn law, gyaueh gou mbouj rox hai, aen cinwngz soujgih gou mbouj rox yungh, cawx buhvaq gyaunde i gou mbouj maij daenj, coemh ceijcienz baenzlai gou hix yungh mbouj sat, caemhcai q sing bauqrengh sing loxlez yiengj ndaej rwz gou mbouj cwxcaih.”

Gou naeuz: “Boh ha, gaxgonq mwngz gwnhoj lai la, ngoenzneix dou bouj hawj mwngz, vunz ndaw mbanj cungj haenh naeuz dou roxsoq, hauq-swnh ne.”

Daxboh caem yaep ndeu naeuz: “Hauqswnh ndaek roet, caen dwg saiyaix, vunz dai le lij rox maz dem, seizneix ceiq hawj gou cuengq mbouj roengz dauqfanj dwg daxmeh sou. Daxmeh sou caeuq gou baenzranz gwnz haemz baenz ciuhvunz ndeu,

seizneix de gaenq geq lo, ndangdaej mbouj ndei geijlai, gangj vah hix lai, sou gaej yiemz de raemh. Sou aeu lai dauqma yawjyawj de, buenx de lai gangj di vah, de laux lo, hix mbouj ndaej caeuq sou caez youq geijlai bi lo, bingzciengz miz bya miz noh yaek hawj de lai gwn di. Lij miz mboengqneix lwgda de lumj baenz damueg lo, sou ndaejhoengq daiq de bae yihyen yawj baez he, hix mbouj yungh geijlai cienz. Gij cienz ngoenz-neix sai haenx gaeuq daiq daxmeh sou bae yw bingh geijlai baez lo.” Daxboh gangj le, danq gaemz heiq he, cienq ndang couh lizbae lo.

“Daxboh, mwngz gaej bae!” Gou heuh sing hung he, daj ndaw fangzhwnzloq singj gvaqdaej. Mwhde, gou cij ndaejgeiq, daxmeh mboengq-gonq gaenq geij baez caeuq gou dwen gvaq, lwgda de aiq deng damueg lo, siengj bae yihyen hung yawjyawj. Hoeng, dou geij beixnuengx doxyaeng le cungj naeuz ndaw daeh mbouj miz ngaenz, hix mbouj miz seizgan, gvaqlaeng caiq menh gangj ba.

Siengj daengz ngoenzneix sauq-moh sai bae baenzlai ngaenz, siengj daengz byoemgyaeuj hausaksak daxmeh, byaij loh vajdedded, hwet hix gaeuz lo, siengj daengz bingzseiz ra gyaij mbouj nyienh dauq ranzmbanj yawj daxmeh, gou yied siengj yied najmong. Uengj’ feiq geij beixnuengx dou okrog doegsaw roxnaeuz guhhong baenzlai bi, gij dauhleix rox mbouj noix caemhcai q gij saeh hix bungz mbouj noix, hauqswnh daxmeh cungj guh mbouj daengz gizcaen, baenz maz vunz dem? Daengz ngoenzcog aeu caeuq geij beixnuengx naeuznaeuz gij saeh neix cij ndaej.

“Mwngz bingzciengz bae gaemh duzngwz maz?”

“Ha, lai cungj lai yiengh!” De gij sim’ angq, hix gig daekeiq geq naeuz: “Miz ngwzgyaeujbenj、ngwzyouqrungz、ngwzgyaeujhenj、ngwzraiz、ngwz-gyauejbingz、ngwzsaigim、ngwz-boengzraiz、ngwzfaenzhab、ngwz-heu……”

“Mwngz deng mbouj deng duz-ngwz haeb gvaq?”

“Deng gvaq.”

“Yienghneix, mwngz baenzlawz mbouj dai ne?”

“Hei! Gou miz ywdoj!” De cienq ndang vixvix aen congz lajde: “Gizhaenx miz ywdoj yw deng duz-ngwz haeb.”

“Gvaiq mbouj ndaej mwngz mbouj lau duzngwz!”

“Baenzbaenz duzngwz bungz gou, suenq de boihseiz!”

“Danghnaeuz mbouj dwg mwngz gaemh duz ngwz ndaw mbanj caez, dou itdingh ciengz deng duzngwz haeb.”

·Sawcuenhvaez Lwngyez·

Gij Golwngyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

“Cuengqsim, yienznaeuz mbouj gamj gangj gaemh caez lo, hoeng hix ca mbouj geijlai lo!”

“Aulungzgveiz.” Gou gamj-doengh naeuz: “Baenzneix vihmaz gyoengqvunz lij ndaq mwngz dwg vunzrwix ne? Gizsaed mwngz dwg boux vunzndei ha!”

De ngiengxgyaeuj yawj gou baez he, feiz ndaw cauq ingj ndaej faj naj de nding’ yanyan, gou raen de roengz-rengz haepbak, song diuz bwnda co de ning le geij mbat, riumbw lwnh hawj gou:

“Vunzndei caeuq vunzrwix miz maz mbouj doxdoengz? Ah Byauh, aeu caenda yawjraen cij suenqsoq, haujlai

vunzrwix deng luenh riuz baenz vunzndei, doxdoengz, hix mizmbanj vunzndei deng luenh riuz baenz vunzrwix, aen bak song caengz naeng, baenzbaenz gyoengqvunz maij baenz-lawz gangj couh baenzlawz gangj.”

“Daiq gou mbouj rox luenh gangj vah.” Gou miz di mbouj doengzeiq.

“Daiq mwngz? Haha……”

“Mwngz baenzlawz lo? Miz maz ndeiri?”

Gij sing riu de fwt daengx roengzdaej, gou roxnyinh ndawranz gaenq saek rim gij hoenz, lumj daj ndaw bak de riu okdaej nei.

“Mbouj miz maz ndeiri, gizsaed gou gaenq faen mbouj ok maz dwg riu

maz dwg daej lo.”

De maeuq roengzbae beiz le geij mbat feiz, gij fwnz coemh ndaej engq hwng lo, hoenz hix noix haujlai lo.

Gou mbouj rox de gangj maz, cij vih de roxnyinh miz di vei, lumj de gyaxgedged boux dog he, bingzciengz cungj dwg de bang bouxwnq, hoeng lumjnaeuz bouxwnq coengzlaiz mbouj bang de gvaq, dauqfanj lij youq baih-laeng luenh gangj de dwg vunzrwix, naeuq de, mizseiz daiq gou hix naeuz de mbouj ndei.

“Aulungzgveiz, dingqgangj——” Gou mbouj gamj naeuz dwg dingq daiq gou gangj, “Dingqgangj mwngz lij coz seiz, hwnj bya gvaq……” (caengz sat)